



Biologit siunnersuinerisa eqikkarneqarnera

Nuuk 17. november 2009

Journal.: 20.00-11/2009

Brevnr.:

Vedr.: 2010-imi Kitaani saattuat pillugit biologit siunnersuutaat

Matumuuna 2010-imi Kitaani saattuarniarneq pillugu biologit siunnersuutaat ilisimatitsisutitut nassiunneqarput. Siunnersuutit sinerissap qanittuani avataanilu aqutsivinnut ataa-siakkaanut tunngasuupput kiisalu biologit misissuisarnerinik angallatillu nalunaarsuiffinik tunngaveqarluni suliaallutik.

Saattuat pillugit eqikkaaneq

2010-imi pisassatut kaammattuutigineqartut 2009-imut sanilliullutik marlutsigut allaassuteqarput:

1. Sisimiut avataanni 2010-mi saattuarniarneq pillugu Pinngortitaleriffimmiit siunnersuutigineqarpoq pisat katillutik 200 tonsiussasut. 2009-imi siunnersuutit 300 tonsiupput ukiorlu manna pisat katillutik 350 tonsit missaannissangatinneqarlutik. Pisat 200 tonsinut apparneqarnissaat kaammattuutigineqarpoq paasissutissat aalisarnermit biologillu misissuinerinit pisut takutimmasuk saattuat 2008-imiit 2009-mut malunaatilimmik ikileriarsimasut, aammalu pinngorartut ikittuinnaanerat paasineqarsimammat.
2. Nuup-Paamiut eqqaanni sinerissap qanittuani 2010-mi saattuarniarneq pillugu Pinngortitaleriffimmiit kaammattuutigineqarpoq pisat katillutik 200 tonsiussasut. 2009-imi siunnersuutit 700 tonsiupput ukiorlu manna pisat 210 tonsit missaanniissangatinneqarlutik. Pisat 200 tonsinut apparneqarnissaat kaammattuutigineqarpoq tamatumaa saattuat amerlassusiisa aalaakaanissaannik qularnaarinissaa naatsorsuutigineqarmat.

Qeqertarsuup Tunuani, Sisimiut eqqaanni sinerissamut qanittumi kiisalu Paamiut avataanni 2010-mi saattuarniarnermut siunnersuutit allanngortinneqanngillat.

Aalisakkanik misissuummi Adolf Jensenimi teknikkikkut ajornartorsiutit pissutigalugit 2007-imiit 2009-imut biologit Maniitsup–Kangaamiullu kiisalu Nuuk-Paamiut imartaanni misissuisinnaasimannngillat, 2008-imi Qeqertarsuup Tunuata kujasissuani kiisalu 2009-imi Qeqertarsuup Tunuani misissuisimanatik.

Maluginiaqquneqarpoq Pinngortitaleriffiup suli kaammattuutigimmagu sumiiffinni aqutsiviusuni tamani piffissaq saattuarniarfiusoq martsip naaneraniit juulip qeqqanut ingerlassasoq. Piffissamik aalajangersimasumik aalisarfissaqartitsisalernikkut nutaanik pinngorartoqarnissaa qularnaarneqassaaq, ilaatigullu aamma eqqaaginnartarnej toqusoortarnerlu annikillineqassaaq taamalu pisuussutsit atorluarneqarnerulissallutik. Paasisanik sukumiinerusumk misissuijumasunut nalunaarusiaq tullituttoq innersuussutigineqarpoq: *”Assessment of Snow Crab in West Greenland”*.

Tabellimi matuma kingulianiittumi aqutsivinni assigiinngitsuni siunnersuutit takussutisiorneqarput kiisalu eqikkakkami ilanngunngussamiittumi sumiiffiit ataasiakkaat naatumik nassuiarneqarlutik.

Inussiarnersumk inuulluaqqusillunga.

Helle Siegstad

Tabel 1. Aqutsivinni ataasiakkaani 2010-imi saattuartassatut siunnersuutit.

	Sinerissami siunnersuut 2010	Avataanut siunnersuut 2010	Sinerissami 2008-imi pisat	Avataani 2008-mi pisat	Sinerissami siunnersuut 2009	Avataani siunnersuut 2009
Qeqertarsuup Tunua	600	130	531	96	600	130
Sisimiut	500	200	765	214	500	300
Maniitsaq	Soqanngilaq	Soqanngilaq	19	111	Soqanngilaq	Soqanngilaq
Nuuk-Paamiut	200	1,600	200	418	700	1,600
Katillugit	1,300	1,930	1,515	839	1,800	2,030